

Personal Sharing

by Rita Murr

في مرة، باجتماع صلاة، شجعنونا بالآخر نفكر بطريقة جدية وبملئ حريتنا إذا بدنا نتبع يسوع المسيح ونسلمو كل حياتنا. كنت بمرحلة بحاجة إنو فكر بالموضوع بجدية وقرر شوي شوي كيف بدّي إتبع الرب. بيمرق الوقت، بكبر بمشواري مع الله من بعد القرار يلي أخذتو، وبرجع بسمع نفس التشجيع (نقرر إذا بدنا نعطي حياتنا للرب)، وحسيت كأنا لازم إرجع فكر بالموضوع بجدية مرة ثانية، إرجع أعمل جردة على أولوياتي، مع إنو كنت مفكرة "خلص، مش أنا already أخذت هيدا القرار؟" حسيت كأنا كل يلي عشتو مع يسوع راح ضيعان ومضطرة إرجع عيد من الصفر لأنو كنت مفكرة هيدا القرار الواحد بياخدو مرة وحدة بس بكل حياتو ولازم يكون عقد كلمتو وما يتراجع، وأنا إذا عم عيد حساباتي يعني خذلت بكلمتي تجاه الله.

الحقيقة هي إنو ما في شي منعملو للرب ومع الرب بروح عالفاضي، هو شايف ومقدّر كل شي! بالنهاية، رغبتو نعمل هالأشيا كرمال نحنا نتقدس أكثر ونصير نشبهو أكثر.
"أَنْ هَذِهِ هِيَ إِرَادَةُ اللَّهِ: قَدْ اسْتَنْتُمْ."
١ - تسالونيكي ٤:٣

القرار إنو نتبع الرب قرار مناخدو كل يوم، كل ساعة، وكل دقيقة، لأنو عايشين بقلب هالعالم يلي (للأسف) كتير هينة علينا نزيح عيوننا عن الله ونعمل بعكس مشيئته. في أوقات هالقرار بكون كتير هين، وأوقات ثانية كتير صعب، وفي كتير إشيا ممكن تأثر علينا. بس يلي أكيدة منو إنو الله ما بيتركنا بس ناخذ قرار بقرّينا منو، لأنو هو كمان بدو يكون قريب من كل واحد منّا.
"هَنْدًا وَاقِفْ عَلَى الْبَابِ وَأَقْرَعِ. إِنَّ سَمِيعَ أَخَذَ صَوْتِي وَفُتِحَ الْبَابُ، أَذْخُلْ إِلَيْهِ وَأَتَعَشَّى مَعَهُ وَهُوَ مَعِي."
- رؤيا ٣:٢٠